



14087

III

Mag. St. Dr.

P


Carimirus

*Stuska Begustai: Campus Martii et
Palladis —*

PANEG. et VITAE

Polon. Fol.

Nr. 131.




CAMPVS MARTIS & PALLADIS

In quo ille

PERILLVSTRI SPONSO

D. D. IOANNI CASIMIRO CHODKIE-
WICZ Regij Stabuli M. D. Lith. Præfecto

Illustriss: Dñi D. CHRISTOPHORI CHODKIEWICZ
CASTELLANI VILNENSIS &c. &c. FILIO CARISSIMO

IMAGINES Heroum Auorum 

I S T A

PERILLVSTRI SPONSO

DÑÆ D. SOPHIÆ PACIÆ

ILLVSTRISSIMI DOMINI

D. STEPHANI PAC VICE
CANCELLARII M. D. L. &c. &c.

Et Illustrissimæ

DOMINÆ ANNÆ MARIANCILLÆ RVDOMINIÆ
DVSIATCIÆ PACIÆ VICECANCELLAR &c. &c.

FILIÆ CARISSIMÆ.

FLORILEGIVM

Ad festum nuptiale proponit & offert.

Per BOGVSLAVM SLVSZKA Palatinid: Minsc:

Auditorem Poëseos Academia Vilnensis Societatis IESV.

VILNÆ, Typis Academicis eiusdem Societatis IESV,
Anno Domini M. DC. XXXVI.

Tela, Tuba, Solea, Cum Casto Lilia flore,
 Alciag, aquali fadere iuncta Vigent,
 unde queunt duro Sociari Lilia matris
 Stemmata nempe suos Concomitantur Heros



AD EXEMPLVM

ANNO 16

ENCOMIUM.



*Aber nescio quid cum sole fortuna arcani,
Illustrissime Domine, ut radijs ille semper
in altum crescentibus assurgat, maturamq;
faciat diem: lineis ista exiguis veluti cala-
mo quodam magnorum laborem ordiatur.
Ita licet Cælo & fortuna in summam à parvis crescere
magnitudinē, & in compendium primo stringere exile sa-
tis robur, quam dare orbis uniuersi consensum. Mutauit
feliciori iam fortuna titulo in Illustrissima auite domus
Chodkiewicziana calculum dum à lucta auspiciū exorta
est: & laboriosa satis viarum molestiā ex nouo composuit
sudore virtutem. Vidit orbis primum illum palestritam
vestrum adeo viribus excelluisse, ut nomine luctatoris
insigniretur. Magnus enim Cham Scytharum Impera-
tor viribus imperium dum nobilitare suum nititur, Vi-
tenes Principi M. D. L. ith: submisit duos, qui robore
& Herculi formidabiliores extitissent. Inuictos Polono
dedisse se viros gloriatus orbi est? quasi ultra solem que-
renda manus quæ terre allideret viros. Sed utriq; fecit
unus satis, & qui plantâ solum terram contingere gau-
debant, exanimati siluere Gigantes ab uno & sanguini
triumphum vestro obtulere. Sed generoso leue illud pe-
ctori, barbaros viribusq; solidos sternere viros, quod hu-
meros pridem iam Principi Viteni dedicauerat, quem
proprijs sublatum morientem iam densa nemorum in in-
dagine humeris animauit. Virtutem æmulus subito co-
mitatus honor est. plantis enim oblata fidelibus hereditas
est: ut suam ipse sibi terram pedibus metiretur, & vir-
tuti mercedem suæ ipse destinaret. Certauit nunquam
lassatus ardor, & à forti nomen sortitus viâ est.*

B

uum

uum mirari liceat Palladium, quem admirabunda reue-
rita olim Roma est, ut in angustos redigi potentia sua fi-
nes extimuerit? Ne summi crescens viatoris ardor, qui
vim acquirit eundo, limites plantâ metiretur. Bonum o-
minari fas sit, à viribus & viâ Illustrissimus Chodkiewi-
ciorum Sanguis virtutem orditur, & nomen. Nutrita a-
lieno virtus robore in altum adeò assurrexit, ut magnus
venerari Cham Scytharum Imperator cogeretur. No-
uum plusquam suspexit Herculem dum binos iacere lu-
ctatores gentis suæ aduerteret. Habere iam Cælum con-
clusit Polonum, quod & duos contraire, qui possent, aleret
viros: & qui presagam solidauerat in luctatoribus suis
laudem stuporis erigeret in ex animi trunco simulacrum.
Rectè olim in turri Pharo Zeno Philosophus, eliso pale-
strite Spiritu, non alia in re felicitatem consistere asseue-
rauit, quàm si quis robore & dexteritate polleret. Viri-
bus ille felicitatem non virtuti integram cōcessit gloriam,
quæ nec ipsis violanda fatis, nec in ipso occasu mundi
ferali premenda, lapidi permittitur aliquando. Non
signata tantum leuiterque impressa vestigia sed æterni-
tati fixa in Illustrissima hac domo Orbis intuetur monu-
menta & TV florentem breui hac sanguinem tuum in
litera oculis & animo acceptabis. Vehementer errant illi
qui totum permittunt robori, virtuti nihil, ubi mancā
se orba maiestate gloria profitetur. Querenda non robo-
ris tantum, sed virtutis bellica nota est: fortio rem enim
videbis Leonem. nisi cum Echemo Arcade luctari
etiam cum fera licebit ex oraculo. Et sæpè ubi magna
solum vires, ibi magnus hostis est. Et interdum ex æquo
Fortuna indignans leui Giganteos confecit prælio viros.
Herculem viribus arduum, vis latentis mali vicit. Mi-
lonem cognitum palestris, arbor una detinuit, laceran-
dumq; feris obtulit. Sed iunctum virtuti robur, illustre
donat orbi testimonium, ut extensa subsidio tali fama,
inui-

inuictam se proclamet. Vidit Patria in atroci crebro re-
rum facie virtutem Vestram robori connexam, dum stre-
nuè morientem CAROLVM Chodkiewiczum suspi-
ceret, cui angustus Orbis latiore eternitatis donabat Sce-
nam, qui incunabula & rudimenta sua per arma exer-
cuit, & iuventutem non in otio & delitijs, sed asperis mili-
tia laboribus vincendo transegit. Militem ibi iam du-
cemque cune efformarunt, pretexta solidauit, sagum
compleuit. Jucundum in Adolescentia lubrico armis di-
strahere animum fuit CAROLO, tenerum Marti vo-
uere, classicoq; caput. Habuit viridis adhuc flexus ille æ-
tatis rudi in campo bellantis indices notas, quæ in voca-
bulo iam gesserant magnitudinem, videre cunas, sudores,
vigilias amici, & lanugini adhuc cruentas destinauerant
arenas. Ita innocuum iam victorijs scribebatur ferrum.
Festinata satis laurea est, quæ virtuti dabat suffragio
imperium. Si Cononis exercitatus staret puer hic in oculis,
cùm & puberes armarentur contra Athenienses, &
numerus militum sine exercitus robore expleretur, vete-
ranis prerogatiua adimeretur. Habes unde Generose de
clarissimo assurgas viro sanguis, cum pridem posteris ma-
iora iam & eternitati tradideris. Intuere si tales puerilis
iam diligentia CAROLI indagaris, quid Illu-
stris allatura sit virtus, conclude. Sed virtutis ma-
turi precones orationem inuitant meam. Vidit Patria
quàm arduam humerisq; laboriosam suscepit prouin-
ciam, dum vniuersale vtriusq; occupauerit gentis nostre
regimen. Impotentem se Luna Otthomanica confessa
tum est. decuit ita, cui lux de corpore, ac virtute non
suffecit, admirari. Vidit pulvis Martius & firmos ita
habere lacertos CAROLVM, mortiq; deuotum notauit
animum. Summis itineribus properantem retardare ne-
fas fuit ducem, tantâ vi, tantoq; successu, mendicam
aggressus lunam est, ut distracta viribus in sua ferire

viscera cornibus suis attentaret. gladio CAROLI
imbellis polita luna, tum lucere sibi magis visa est, cum
se impotentem campo demonstraret Polono. Gloriosum
non extolli arbitrata est, sole in aciem superueniente no-
uo. Sed cum Cælo & Numine Sol bellauit hic, qui vi-
ctoriam adnotas, astra oculis CAROLI delineata,
admeris. Sapientibus hoc insitum mentibus est, ut &
astris imperent, & felici vsa cælorum commercio, nobiles
in alto sepeliant curas. Eximium ibi castrorum locare
collegium, ubi testes victoriam cæli describunt. Vidit su-
pernus crebro animosum Orbis Ducem, proprios armatis
sequere in lacertos manibus. & spectare non oculis cum
hoste dimicantes animos, sed cateruatis Victoriam fati-
gare lacrymis. Nouum preliandi CAROLVS reperit
modum, qui ferrum non ferro, sed sanguine proprio ani-
mauit: qui tum victoriam descripsit cum se acrius vi-
dit purpureum. Laboriosus cedat hinc pictorum linea-
rumq; labor; nouam è cælis CAROLVS aduocauit
Victoriam, quæ proprijs exornata gemmis admirandam
se hostibus, & Patriæ clarissimam professa est. Udisti ô
prepotens Polonia, ac Lithuania Zamoyscios, Kore-
cios, Zolkieuios, & innumeros armis nutritos viros. Spe-
ctasti labores omnium: Barbaris alere te viros ostendi-
sti, & Marte crescere Poloniam docuisti. CARO-
LVM menti altissime infixisti tuæ, quem victorem
SIGISMUNDO III. presentasti: facembelli, san-
guine authoris extinctam manibus ciuium obtulisti. Fe-
cundum laureis mirata es, quia Inuictissimi VLA-
DISLAI nutibus feliciter ire CAROLVS didicit.
Vinci nequit qui Inuictum secutus est VLADI-
SLAVM. Nunquam mori illum in Martio cognosce
illius animo: perennis est, quem in cogitationes suas ar-
tifici clarum ferro admisit. Fortissimum ibi Duces collo-
catq; munimentum, ubi erecta meditari de vobis purpura
non

non dedignatur sed vestris rubicundior illa fit à victoriis?
hostium irrorata latior à sanguine resurgit. Dulci reci-
pit illa complexu duces qui sudorem, & sanguinem ab
hostium ceruicibus hauserunt. Vbi melius & iucundius
Polonia vixit laus, quàm Marti deditis in manibus?
vbi in utramq; tuiò dormiuit Patria aurem, quàm vigi-
les ducente excubias Argo: Ducibus inquam, quèis cu-
stodia somnus, vigilia salus, consilia in angustum coa-
cta, securitatem finibus componentia. Tibi Dacus asper
ingenti licet coronatus à manu, & victoriam verbo deli-
neans, truces tamen Martis in orbitam prodire enses, non
passus est? quoties supplex fatis & armis coronatus, ar-
morum orauit quietem? quia vepribus CAROLVS
terrebat densis, quibus suum fossis veluti quibusdam
circuibat corpus, & immuni coronatus sente, non vi-
duatà iaculator pharetrà, Daci reprimebat impetum.
Nouum claustris & eremo decantandū assumpsit opus.
Ita Illustris CHODKIEVICIORVM sanguis spinas
iam in corpore intuctur CAROLI: sed eo Illustrior,
quo vepribus ornatio. Nouit enim tuta confinio gaudere
veprum rosa, nec vepres existimatote, sed in palmas
degenerasse victorum sentes, vbi fingere ingeniosè No-
bilis sanguis Vester, & triumphum de spinis nouit, ce-
lesti enim Augusta Virginis Matris, roboratus suf-
fragio CAROLI sanguis fuit, unde consummationem
victoriae superi cum morte Duci dedicarunt, stan-
tem mori Ducem oportet, dixit ille. Rarè dulcis fortem
excepit Imperatorem lectus, quem lorica aspera enutri-
uit: nunquam lacrymis recepit Mater orba filium, quem
fidissimo amoris sacramento Patria inseruerat. Ita CA-
ROLVM Illustris excepit sanguis vester, & Nobilem
de suo gemmam clenodio aternitati consecrauit. Nunc
si fas est, triumphet Roma Decijs? gaudeat Mutius,
qui manum in flammis expiarunt? Inclamet de Horatio,
C
& Ty.

Et Tyberim habere in scuto affirmet, ita amplum viris
fortibus scutum donatur, quod publicam tueri semper
noscat libertatem. Gaudet Nobilis sanguis Vester illu-
stribus semper Heroibus, quos Et facundi licet percensere
si attentarent oratores, laborarent. Vobis liquidò illud
Sarmatici Vatis nostri famulatur elogium.

Gaudet iuuentis dextra periculis

Lassare Fortunam duello, Et

Per medias docet ire mortes

Fata seruire didicere vobis, Et secundos auguria semper
habuere exitus. Plenum terroris opus, in conciliandis sy-
deribus fuit, vobis sydera semper amica extitere, Nullus
volubilem prehendere Fortunam ausus est: Luctari nul-
lus forti cum lacerto illius attentauit: Sed iratam re-
uereri frontem semper discit orbis, Et iugo dare colla
non erubescit. Susplicere alius, Vobis lassare fortunam,
acri fas est duello, quia virtute omnia perfecistis. Sed
dum unum laudo CAROLUM, vbi consanguineo
notatos illius in pectore animaduertit. Quis singula vel
hac breuitate percurrat? Quis Nobilem illum oratorem
Joannem CHODKIEVICIUM Ducem Et Marschal-
cum M. D. Lith: totius Rossice gentis ad altum Pe-
tri subsellium, enarrabit satis? ubi pia SIXTO IV.
uniuersali orbis capiti vota, Et Pontificiorum pedum
oscula, triumphalibus pratulit laureis. Nulli arcana
pectorum tutius committere, quam JOANNI? nulli
gloriosius submittere quam augustis pedibus? Admira-
ta Roma, arx illa orbis, uniuersam in vno inclusam
JOANNE CHODKIEVICIO gentem. Quam dul-
ci fouit sublime illud diadema CHRISTI filios affe-
ctu novos, dulciq; percensuit virtutem amore, Et nobilem
elogio gentem illustrauit. Felix dexteritate pari absolu-
ta via est. ire enim, Et laudabili semper passu Nobili
CHODKIEVICIORVM sanguini conuenit. Et ora-
tores,

tores, & Martios nouit sanguis hic habere vester viros.
Vidit orbis ille HIERONYMVM CHODKIEVI-
CIVM ad Christianum Cesarem à Rege Augusto le-
gatum, ubi virtus adeò effloruit ut primum sibi in ani-
mo Inuictæ Maiestatis locum cum S. R. I. Comitatu
oblato occupauerit. Habet & clausa virtus aculos, &
licet vatis iuxta decretum, ipsa sibi sit pretium.

Attamen inuitam blandè vestigat & ultro
Ambit honor.

Premere gaudet & ultimos virtutis Honor gradus, inde
enim eiurare seruitutem nouit, & perennem assumere di-
gnitatem, cum augustiori copulatus virtuti Honor eriga-
tur colosso. Socium virtuti Honorem vestro semper Re-
gum apices stupuere in sanguine, & Regiè complexi
sunt. Ita summum virtus sortita vestra est, ut & altis
inferi auderet coloribus. Magnus querit semper animus,
ubi se experiatur, virtutem ubi suam ostendat. Scio
Jawnakam Joannis CHODKIEVICII Palatini
Kiouiensis consortem, tori, Jagellonis Polonia Regis
neptem extitisse. Heroïca scepro etiam arrisit virtus
vestra, ut suum & sanguinem sine parsimonia com-
municaret. Vini inferre ne tenta liuor edax domui tuis
occumbes telis? virtuti enim & generoso nefas hic dero-
gare sanguini firmissimis stetit semper passibus, &
suo effulsit labore gloria. qui gloriæ inuides, labori &
operi insudes oportet. Maeste hæc generose CHODKIE-
VICIORVM sanguis innutrite notâ? ubi concordem in
TE videmus & Martis & Aula symmetriam. Posuisti
cum clauâ calculum, nouo Romam, Imperiumq; specta-
culo implesti, honoratis aulam exercitiis. Regumq; oculos
satiasti, nec hodie implere desinis. Te Illustrissime Ca-
stellane Vilnensis alloquor in cuius vultu Patriæ lego,
Regisq; amorem? quid non agis, quæ impedimenta non
inuadis, ut gloriæ aditum, virtutiq; tua præpares scenam.

Quid enim volunt ille rebellem contra Moschi Aquilam
subsidio Patrie armata manus expedita? Tuae nisi virtu-
tis simulacrum. Dulcis numeravit, si nōq tuo suum Pa-
tria impressit animum? suum SIGISMUNDVS III.
Tibi amorem donauit, & intimis fidem visceribus con-
cessit. Ecquis fideli negaret amorem dextera. Vidit pri-
mum Te occupare muros Parnauia & Liuania, primum
ascendere, triumphī vocem attollere, vexilla erigere. Mu-
ros iam conscendere hostium virtus TVA didicit, & in
altis erigere dexteram colossis. Quis muralem decernere
Tibi coronam non audebit? Quis vigilem Te in muris
excubitorem Patrie, non euehet praconis. Quantas vide-
mus Te habere dexteras, quā fidele Marti cor. Sed lu-
ctatores vos pridem iam virtus in origine Vestra decreuit.
Quis & hodie sollicitam quam in pace reddis Patrie cu-
ram describet. Silentio venerari magna sepe sciunt fa-
cta oratores, cum viuus eloquentior in factis Heroum lu-
ceat orator. Ire vestrum semper sanguinem decet, lucta-
ri, superare vias necessum est: humeros formare Patrie
vobis consonum est: quia à forti symbolum Nobilis rece-
pit sanguis vester. Vestros scite humeros, solis seruire de-
bere Principibus & Patrie. Magnum humeris opus est ge-
stare Ducem & victorem suis imponere lacertis, CHOD-
KIEVICIANO dulce sanguini est. Securum Principi
Viteni querere locum virtus attentauit, in vestris opta-
tum reperit humeris theatrum. Ingemuit olim ille unā fa-
tigatus à togā, & aculeis plenam affirmavit, nec humo
attollere ausus est? Quid si Principis lassati pondus tolle-
re attentasset, expirasset. Validos vobis metata virtus la-
certos est, qui labore nutriuntur: quēis negotium pro quie-
te, arma pro Pace, orbis pro theatro est. Quod lucem no-
ctemq hominibus, ita omnes terras fortibus, natura ape-
ruit, ut certandum in puluere, & sudandum in teatro
semper sit: Enitendumq est, ut gloria sanguini, formido
hosti.

hostibus ingeneretur. Scis Osmanum Byzantinum Imperatorem fortis adeo CAROLI CHODKIEVICII, etiam post fata, Iconem auleis intexuisse suis, ita barbarus virtutem quam in viuis formidabat, in mortuo reueretur & hodie CHODKIEVICIO? discit imbellis sternere hostes magistrâ ab imagine? & à mortuo CAROLO virtutem proprium barbarus transponit in animum. Sed nemo verior illi Dux, quam mortuus est: si tamen mori dicendus est is, qui immortalitatem complexus est & quem fama veris rumoribus fecunda euulgavit orbi. Silere iam & admirari liceat, nec amplis prosequi laudes vestras notis? Exilis enim est CHODKIEVICIANO litera robori. Pericles hic fulmine licet armatus cum dulci sileret Tullio. Sed dum attonitus herere volo, à duplicatâ subito luce inuitatus, ire coactus oratione sum. Video enim virtutem, lucemque iungi cum Illustrissimo PACORVM sanguine. Felix iungit omen TELALILIS, quæ in campo publicâ religione consecrauit sæpe virtus, & in aula tropicis educata, tanquam in vera ac liberali schola eximie commendauit dignitati: quæ publico Reipub. Sigillo sibi deuinxit, & hodie in Illustrissimo Procancellario, relucet. Ubi compendio omnium notauit simul LILIVM animos. Pulchrum iungi talibus, gloriosum TIBI. Quis enim suauem LILII dignitatem non ambiat, si Illustrissimo PACORVM sanguine irroratum cognouerit, & candore, lacte veluti nitentem suspexerit florem, Magnis hoc semper in altum iuit LILIVM vis! fuit cordi Patriæ, amor Regibus, exemplo ciuibus, terrori hostibus. Admirabunda suspexit crebrò Polonia LILIVM per SAMVELEM PAC M.D. Lith: Vexilliferum, ubi nasci & vexilla in LILIO vidit. Graue Ponto & Gustavo Horn attactu fuit LILIVM, quia viduata signo hostilis remansit in acie virtus, & impotentem se flori gladius

D

demon-

demonstravit. Gentis nostræ decus est? Et LILIA
pugnare posse Et triumphare, cui nec presaga bellorum
fulmina nocuere iacta, quia adamantinis PACORVM
stetit LILIVM semper viribus. Hoc Illustrissimus
CHODKIEVICIORVM sanguis TELO inferere
suo, Duce Hymenao attentat. Paribus ite viis. Scis enim
duplici eum vivere viâ, qui sempiterna aliorum facta in
commercium amicæ transponit suum: ita Nobiles vinet
cera uno contentæ animo sunt. Quid ergo tam Magnifi-
cis incrementis illustrius? quid nexu Et sanguinis libera-
litate amplius? quid ventura posteritati quæ ad celebran-
dos succedet vos, acceptius contingere poterit. Nihil hic
Fortuna Et adaci licebit tempori, quia prolixè cumulateq;
virtute excitata trophæa sunt, columnis incise laudes, co-
loribus excitata. Heredem ex asse, Illustrum Musisq; ami-
cum spectas Filium Parens, quem artium in luce educa-
sti; Hanc à Te liberali effusam manu gratulatur se ac-
cepisse hereditatem, quæ subito otiosa esse non potuit, sed
virtutis documento in VLADISLAI IV. oculis flo-
rere per dignitatem oblatam cepit. Magnus est qui oculi-
lis placet huius! Nemo enim nisi bonus arridet. Donasti
Regalibus filium oculis, Illustrissimo dedisti PACO-
RVM sanguini mille colossis diuiti Heredem Tuum, Pa-
trie futurum simul Propugnatorem consecrasti. Votis ar-
risere iam superi. Quare in Nuptialis pompa applau-
su, in felici SAGITTÆ VESTRÆ cum LILIO
federe, magnum sibi iam Patria lumen, nobilem Re-
gum sceptram anum, iucundam amici de nexu
Et voluntatis vinculo notam augurantur.



FLORILEGIUM

in quo

Gryphs CHODKIEWICIANVS, in Ver-
nantissimo PACORVM viridario
Lilia demetit.

Non semper flexisse arcum bellator Apollo
Visus, & ignitas pharetrâ torxisse sagittas:
Imbellem quandoq; lyram, cytharamq; loquacem
Attigit, & querulas arimavit pollice chordas.
Gryphs armis, & Marte potens, capuloq; timende,
Quem formidandum populis, orbique stupendum,
Sæclorum monumenta canunt, quem nuper ouantem
Laudatrix Operum secundo Patria amore
Excepit, meritumque dedit pro munere Laurum,
Te pariter sopisse minas, mulxisse pericla
Conuenit, atque truces gladij posuisse furores.
Immortale iubar Gradiui, docte tubarum
Armorumque Parens, gladium, quo Martia pulsa
Agmina, quo firmas portas, quo mœnia vertis,
Florilegis muta studijs, & Marte reposto
Instrue mansuetis animos florescere sertis.
Sic noua belligera preludes prælia genti.
Sat bellis, Martique datum: nunc florida bella,
Bella tuis molire potens in finibus Heros,

E

Post

Post profligatas gentes, post strata cruentis
Prata cadaueribus, post lotas sanguine plantas
Florida bella moue, latiscape Lilia plantis:
Ad calthas, violasque redi; iam Mucro cruentus
Defluat, & toto tumultentur praelia Mundo.

Aethereos ultra tractus, vicinus Olympo
Hortus iactat opes (nec enim vulgaria credas
Culmina, vel triuios redolentia prata corymbos)
Felix ille locus, diues cui Flora perennes
Inspirauit opes: nullis hinc purpura pratis
Vlla virescit, nullis re lolent opobalsama campis.
Nullis facta nitent violaria ditia calthis,
Sola sed effictum candenti Lilia culmo
Argentum ostentant, pro florum mille virescit
Lilia sola micant, sola implent Lilia terras.

Hic dum Phœbus equos Eois flectet ab undis,
Pura tenebrosis ostentans lumina terris,
Hortus lucifera vestitur lampade primus,
Luxuriat radijs, & de meliore nitore
Ante alios haurit. Quid cantem cetera? circum
Labuntur roseis crystallina flumina ripis,
Quæis crinitur ager, quæis Lilia pota, decorum
Increpant, germens suum mirantur, opesque.
Crede mihi, hoc mallet nasci Cytherea profundo,
His se spectaret melius Narcissus in undis.
Pimplæos credas latices, Cyrrhæque beata
Flumina: sic surgunt vernantes flumine gleba.
Hinc venti, nymphi procul, procul exit abactus
Æolus, & solo viuunt Titane colores.
Informis Cæli facies, rugæque molesti
Aëris hinc fugiunt, & regnat mitior aura.

Areolas etiam certo moderamine, certis
Distinxit Natura locis: quæ vergit ad Ortum
Hortus, inauratas ibi reddit gleba sarissas,

Altera

*Altera cuspis humum, petit altera cuspis Olympum,
Vtraque candenti florum vestitur honore.*

*Quà sed Hyperboreum prospectat gleba Booten,
Inuictis illic crucibus redimita sagitta
Fulget, & augustis vernans in floribus albet.
Hic ubi adequatâ dispensat lumina lance
Sol medius, ternos cernes fulgere cruenti
Gradiui Lituos, plenis ibi Lilia culmis
Turgescunt, plenoque nitent violaria nexu.
Hesperias demum, quâ sol se condit in undas
Occiduus, tali glomerantur gramina cirro,
Qualia dimidie sinuantur cornua lune,
Ostenduntque Polo vultus: at Stella decoris
Aurea luminibus, medijs in cornibus heret.*

*Ergo floriferum postquam descendit in hortum
Gryphs, & odoratis spectandum se dedit agris;
Mirantur longè flores, iuxtaque volanti
Assurgunt, ipsumque stupent, & Lilia plenos
Acclinant culmos, & pulchro vertice flectunt.
Ille autem tacito metitus singula visu,
Singula miratur, cognoscere singula vellet
Lilia, Virgineisque oculos implere ligustris.*

*Quique prius roseo debacchabatur in imbre
Cade superbus adhuc, & honori puluere belli
Hostiles fortis patrio mucrone phalanges
Dum meteret; nunc prata nouo candentia cursu
Latus obit, ridetque suo in mucrone, cruenta
Exuias cadis, Martisque insana pericla.*

*Area prima placet rutilis efficta sagittis,
Ductilis ignoto frondescit virga metallo,
Purpureus, niueusque nitet pro lumine cortex,
Auricomisque simul folijs, bis terna refulgent
Gramina, & in croceos ardescunt prata nitores.
Ollis tantus honos, quantis vel in igne Smaragdus,*

Demersis, vel Pactoli felicibus undis
Casta ibi virgineis turgescunt Lilia culmis,
Candenti mage cana gelu, mage cana ligustris:
Vna sagitta fuit; crucibus circumdata binis,
Lilia sed crucibus non impare lumine certant.
In folijs tituli illustres, Heroaque gratis
Cernere erat monumenta virum descripta figuris,
Nomina, & antiquo numeratos ordine fastos.

Ista SAPIEZANÆ victura insignia gentis
Quæis illi cælum, quæis ornauere virentis
Virtutem Patriæ, cognato federe magnas
Irrupere domos PACORVM: iungis auitas
SAPIEHA Magne faces, cum Religione paterna
PACORVM: de qua Magnus surrexerat olim
Antistes, qui clara tuas SAMOGITIA mirat
Gessit, & Ausoniam proprio splendore refecit.
Huius in ambrosio immortal a nomina flore
Scripta vigent: quæ Gryphs patulis obtutibus haurit,
Miraturque simul, tanto de germine, tantum
Increuisse decus: patulas tum voce canora
Diduxit fauces. CHODKIEWICZ casside clarus
Fulget, ait; totamque implens victricibus alis
Illustrat Patriam: tot Martia pectora, tantis
Ornantur trabeis: semper Samogitica tellus
His subiecta viris. Primus non tempore, magna
Laudis at indicijs CAROLVS, pulcherrima torui
Progenies Martis, quo turbine torserit hastam?
Quantus in arma calor? quiuis Mauortia secum
Orsa recensabit, laudesque exurget in almas
Tanti Ductoris: Maiores nempe secutus
Fixit in æterna fulgentia nomina famâ.
Precessere Patres; quorum splendore perennis
Illustrat Patriam fulgor. quo robore? quantis
Viribus? emicuit quanta virtute JOANNES
CHOD.

CHODKIEWICZ? magno dotatus munere, sponsâ
Nepte JAGELLONIS: de tanto sanguine proles
Non minor emerfit, Marschalius Magnus auitâ
Virtutis patriæ decoratus imagine, magno (inde
Maior ALEXANDRO: processit HERONYMVS
Principis Augusti extremas Legatus in oras.

Longa retrò series: prius alto sidera Cælo,
Nomina quàm possis tantorum efferre virorum.
Tu tamen in nostris meritò memorabere metris
CHRISTOPHORE, æternis fluxure in secula riuis:
Illi metra tibi victuraque carmina sacrent,
Qui te Parnauic bellantem ad culmina sidis
Aspexere: ibas Gradiui percitus æstro,
Ibas, inuictâ Martemque in fronte gerebas.
Que tua mens? quis vultus erat? cùm fortis in hostem
Fortem vibrares gladium? cùm primus in ipsos
Obsessos spectareris conscendere muros,

Te CASIMIRE decet patrijs insistere plantis,
Et te in Virtutem magneque in nomina fame
Maiorum virtus, & Patrius excitet ardor.

Adiungere suas ingentia lumina tedas
Ad CHODKIEWICIOS. TARLO sua stēmata misit,
TARLO decus L ECHIE, quem clara gloria fama
Extulit ad superos, summaque in sede locauit.
KISZKAque Littalidūm generosus sanguis; & inter
Eximios prestans. In mutua vincula mittis
Tu RADIVILLE tue prestantia stemmata gentis.
Quis prelustre tuum nomen, famamque perenni
Æqualem seculo, dignis ornare camœnis
Possit? Te pariter clarum mea carmina spectant
Magne GNIEWOSZ, quem nobilibus semperq̃ serenis
Ornari trabeis spectatrix Patria gaudet.
Tu CHODKIEWICIS affini sanguine iunctus,
Iunxisti binam, bino cum nomine famam.

F

TEN.

TENCZYNIOS etiam, clarum genus, aurea vobis
Vincula iunxerunt: illos dum fama superstes
Saecula per, aeterno cumulatō nomine cinget,
In CHODKIEWICIOS manabit gloria compar.

Non impar sanguis DZIALYNIUS, aqua per orbē
Magnanimi lucem generis monumenta propagat.
At quaecunque isto nitet in splendore venustas,
In CHODKIEWICIAM sociali gurgite gentem
Influit, & titulos, & mutua stemmata miscet.
Estis fō multi, quos mutua vincula stringunt
Cum CHODKIEWICIS, & honore federe iungunt.
Sed vestras laudes, vestrae quis nomina fame,
& Aonio plectro, Cytharaque expromet eburna?
Ibitis in feri nunquam morientia mundi
Tempora, nulla dies memori vos eximet aeo
Semper victuros Nec Lilia luce minore
Augusto redolent Orbis per climata fluxu.
Vittatus Praesul, cristatus Ductor, eodem
Cingantur radio: crescant in mutua Cera
Vincula maiorum: de tanto federe surgat
Posteritas, surgat fetus pietatis auita.
Tantis clarescet meritis per secula, quantis
In Patriam fulsit PACORVM gloria flammis.
Magnus Kuonia rexiſti rura GEORGI
Sorte Palatini, te gloria iure perennis
Ambit, & aeternos vouet haud moritura triumphos.
Tuque Polocenses quem spectauere curules
Nate Palatinum, vestitus Jaspide fulua
Viuis, & irradias sanguis pulcherrimus alii
Luminis: à vobis radios hausere minores,
NICOLĒOS, patrioq; rubens STANSLAVS in oſtro:
Subsyluana prior, Vitepskia culmina at iste
Cognato splendore adiit. Quis nomina magna?
Quis poterit digne titulos numerare canendo,

Nominis

Nominis ornamenta alii? Domus una Senatum
Continet, assumptique semel comitantur honores.
Hec domus est, qua fulta salus victricis in auum
Florescit Patria, viridique decora iuuentâ
Inuisis senij nescit squallere tenebris.

En STEPHANVS, Litalâ Gaze olim Tutor in ora,
Nunc & Consilij, & L. ubani cura sigilli,
Altior assurgit, Magnumque sub aethera mittit,
Protruditque caput: trabecae, maioraque sumit
Jura potestatis: labit inuolabile fatum
Designata tuo capiti STEPHANË alme trophaea
Progeniemque tuam per patria compita ducet,
Ut se se in veterum florens spem inscribat auorum.
At tu Maeste animis, istoque insignis honore,
Cerne ut longa nouos scribant tibi secula fastes,
Maioresque paret virtus, & sacret honores.

Talia Gryphs vigilem ducens per Lilia vultum
Talis sponsa meo est, inquit, querenda Dynasta.
Dixit: & acclini carpsit de germine florem.

Inde hilaris, raptoque sibi de flore beatus
Areolas visit reliquas: hic cornua rauco
Murmure terribiles audita ciere fragores,
Expauit, pressitque gradum: sed Martius ales
Advocat inuictas in corda audacia vires,
Et fert impavidum ad vocalia cornua gressum.
Lilia cernit ibi, roseo sed scripta cruore,
Nomen ibi RVDOMINA tuum, tua lumina cernit
Agnoscatque tubas; & Martia pectora gentis
Demiratur ouans: tum tales pectore voces

Egerit: ô cunctis equalia cornua ceris!
Cornua diffusum famâ vulgata per orbem:
Pergite, & aeternas laudum diffundite voces.
En ego vos capulo, forti vos casside pronus
Munio, & in vestras fundo mea stemmata ceras.

Iam Lituis Heroa meum, iam Cornibus almis,
Consecro, te Diuum soboles aeterna Parentum
Virgo, PACORVM decus intemerabile gentis,
In CHODKIEWICIAE transplanto germina cera.

Talis sponsa meo est, inquit querenda Dynasta:
Dixit: Et acclini carpsit de germine florem.

Iamque nouis diues spolijs, Et flore superbus
Gryphs, patrij oblitus capuli, per florea rura,
Perque verecundos candenti germine flores
Incedens, Domina rutilantia Lilia fronti
Carpbat, magno texens pro vertice sertum.

Ecce WOLOWICIS aduerit lumina Telis,
Que simili plantata modo, pro stemmate magnis
Concessere PACIS, Et amico federe iuncta.

Obuersa spectant Caelum, terramque sagitta.
Caelos nempe suis exornauere fauillis,
Inde decus superis, hinc florens gloria Diuum,
Hinc celsis sacrata Polis altaria. Compar
In PACIS cultus, compar reuerentia sacri
Numinis, Et simili florentia pectora flammâ.
At, quod tellurem telum spectabat, amoris
Aeternaturos Patriæ consecrat honores.

Talia tela meis Gryphs, inquit, congrua ceris
Ergo iungantur simili per mutua nexu
Vincula, Et ambrosie coeant in fœdera dextra.
Hinc CHODKIEWICIVS Patriæ, splendorq, iubarq,
Hinc PACIÆ bona Virgo domus, spes, lumen, honorq,
Talis sponsa meo est, inquit, querenda Dynasta.
Dixit: Et acclini carpsit de germine florem.

Fam quod restat iter poscit decurrere: cristis
Phœbe inclusa nitet, stelleque decora fauillis
Candentes casto iaculatur lumine flammâs.
Hanc circumspectus vigili dum lumine lustrat:
Nunc mihi summa luet contingere sidera plantis,

Exila.

Exclamat : placnere mihi tua sidera Virgo:
Virgo places : qualis florentes & una colores
Explicat, & patulum radians complectitur axem:
Talis sponsa meo, est, inquit, querenda Dynastæ.
Dixit : & extremum carpsit de germine florem.
His plenus spolijs, & prædæ sorte grauatus
Effert se portis festiuus, & ante tuentem
Se prosternit Herum : Litale dignissime terræ
Splendor, & ad magnos iuuenis formate decores.
Quantus ades, dum te nativo lumine cinctum
Conspicio, innumeros non paruo vertice supra es.
Tantus ades : sed quantus eris, dum candida fausto
Junges connubio patrijs cum Lilia Coris.

Audierat voces Concordia proxima valuis,
Ergo intrat festina fores ; & voce canora
Gryphs, ait ; ensis ubi ? quid candida Lilia laudas ?
Bella tibi, galeæque truces, tractandaque tela :
Sed superi thalamis me præsecere Penates,
Concordi stabiles ego vincio fœdere dextras,
Connubium parzo, socias in fœdera mentes
Jungo, meus labor est concordem dicere sponsis
Leges, cura mea est animos unire duorum.

Dixit : & ad raptos protendit brachia flores,
Inclusitque cauo vernantia Lilia serto,
Quod festina locans letantis vertice sponsi
Tali connubij firmavit fœdera voto.

Ite pares Sponsi, concordi currite cliuo
Unanimes, similesque auidi spectate nepotes
Felices, faustique nimis, quævis ora tueri
Natorum, viridesque genas, addicta vouebunt
Stamina, & optatos non auferet Atropos annos.
Tradite vos Patriæ, coniuratosque labores
Fundite, ad æternas studijs contendite palmas.
Este precor memores, qua sitis stirpe creati.

*Astra dabunt animos, Virtutem sidera mittenti;
Aspirant superi, liquidis vos sidera riuis
Irrorant, studijsque suis bona vota secundis
Promouet, audaces qua urget Fortuna labores.
Crescite lux Litauum, crebris vos Patria votis
Ambit, Et in tantis senium solatur Alumnis.
Ite pares anime, vestro conamine splendor
Patrius exurget. Felicia pectora tadis
Accelerate sacris: Pyllos ego spondeo vobis,
Nestoreosque dies: ducti meliore metallo
Decurrant vobis soles, florentia mundi
Tempora lethifero non tangent pollice Parca,
Sed noua prateritas extinguant gaudia curas.*



EPIGRAMMA

Ex cognomento Sponsorum
felix omen.

*Ingens Sarmatici CHODKIEWICZ gloria Martis,
Et Martem & Martis fortia gesta refert.
At tu quam stabili sibi Sponsus amore iugavit,
COGNATÆ PACIS fœdera Sponsa notas.
O pulchrum nexum Martis Pacisq; iugate,
Quem Virtus, prudens quem fabricavit Amor!
Diu te iam Vates omen, quod sidera spondent;
Stirps hac apta sago fiet, & apta toga.*

Ad Perillustrem Sponsum

*Alluditur ad illustre facinus primi CHODKIEWICIANÆ familiæ Conditoris, Principem
Lithuaniz humeris suis portantis; nec non de
gentilitio Perillustri Sponsæ Lilio.*

*Quis generis vestri tam largâ luce micantis
Accendit Lituano primus in orbe facem
Errantem per lustra Ducem ceruice recepit,
Atque humeris, Phœbo ter redeunte, tulit.
Heres tu tanti CHODKIEWICZ inclyte facti;
Cui festam lucem nunc Hymenaus agit.
Macte animo iam nunc paribus consurge lacertis,
Te similem, Patriæ, poscit Athlanta, Salus.
Ac sibi iure equidem te signat Patria fidem,
Quippe nouo Patriam Liliij odore trahis.*

H

In

In Grypha & Sagittam Cruce insignitam Perillustis
Sponti, & Liliū Perillustis Spontæ gentilitia insignia

O D E

At non profundo mersa silentio
Tenere mens est barbita, cum nouus
Hymen ouantes per plateas
Latitis inuehitur curuli;
Cum delicatis plausibus ardua
Mirantis Urbis mœnia personant,
Clangore cum festo lyrarum
Villiaca fremuere ripa.
Nunc ergo tandem prome reconditum
Latœ carmen, non humili iuuat
Vatem Camœnâ nuptiales
Ferre præcul super astra Ceras.
Fallor; citato me præit impetu
(HODKIEWIANI Gloria Stemmatis,
Telum fatigatum triumphis,
Gryphsque suo metuendus Ense
Non inuidendam tende per aëra
CHODKIEWIANI Gloria Stemmatis,
Dum lucē purā fulgurantes
Impauido teneas volatu
Mundi officinas, hic ubi prodigus
Honor profusâ premia dexterâ
Gaudet rependisse, & serenis
Ignibus asseruisse Ceras
Heroum; at altis sedibus ætheris
Te sisto grato non sine Lilio,
Quod PACIANIS in Viresis
Vsque suis operosa curis
Colona Virtus fouit, & aureis
Recti ac Honesti nutrit imbribus:

Quid

13
Quid dicam odorem! quo fragrante
Ipsa poli recreatur aula!
Quid albicantes commemorem inclyti
Floris pruinās? scilicet his bene
Sese colorat Candor, imis
Pectoris abditus in medullis.
Sic sic perennes laudis adorea
Nexa iugali tendite vinculo;
CHODKIEWIANVM, PACIANVM
Astra super memorando nomen.


Ad eundem

Super eiusdem facinoris prēmio.

At non CHODKIEWIOS dignā mercede labores
Frustrari, meritā Dux quoque laude iubet.
Virtuti pretium, culta data iugera gleba,
Unā quæ Phœbi luce Viator obit.
His reor in tantas se messes fudit ab aruis
Vestra CHODKIEWICZ Gloria tanta domūs.
Terrarum gaudet spatijs Nascens; ac Adulta
Ambiri Cælo Gloria vestra volet.

DE SAGITTA
CHODKIEWICIANA ET LILIO PAC.

De CHODKIEWICIIS bene condita tela triumphis
Tela per hostiles rumpere nata sinus.
Poscitis assueto nunquid decedere campo?
Nunquid Flora magis Marte placente placet?
Federe perpetuo nam castis Lilia culmis
Juncta simul vobis Pacificata manent.
Vos quia victrices Pax viderat ante sagittas,
Lilia nunc vobis in diadema dedit.





J. 11. 20.

Biblioteka Jagiellońska



stdr0027284

